

ТРОИЧНЫ ПЕСНИ НА 8 ГЛАСОВ,

поемы, егда возглашати на утрени: Аллилуия.

В седмицу 1-го гласа:

Плотскими образовани безплотных Сил к мысленному и невественному возводи уму и Трисвятою песню Трипостаснаго Божества приемоюще сияние, херувимски возопиим Единому Богу:

Слава: Со всеми Небесными Силами херувимски Сущему в вышних возопиим, Трисвятую возсылающе хвалу:

И ныне: Воставше от сна, припадаем Ти, Блаже, и ангельскую песнь вопиим Ти, Сильне:

В седмицу 2-го гласа:

Вышния Силы подражающе на земли, победную песнь приносим Ти, Блаже:

Слава: Несозданное Естество, всех Зиждителю, устне наша отверзи, яко да возвестим хвалу Твою, вопиюще:

И ныне: От одра и сна воздвигл мя еси, Господи, ум мой просвети и сердце, и устне мой отверзи, во еже пети Тя, Святая Троице:

В седмицу 3-го гласа:

Троице Единосушная и Нераздельная, Единице Трипостасная и Соприсносушная, Тебе, яко Богу, ангельскую песнь вопиим:

Слава: Отца Безначальна, Сына Безначальна, Духа Соприсносушна, Божество Единое, херувимски славословити дерзаяще, глаголем:

И ныне: Внезапно Судия придет, и коегождо деяния обнажатся, но страхом зовем в полунощи:

В седмицу 4-го гласа:

Умных Твоих слуг приносити, смертнии, песнь дерзаяще, глаголем:

Слава: Яко чини ныне Ангельстии на Небеси, и стояния страхом человеческая на земли, победную песнь приносим Ти, Блаже:

И ныне: Безначальнаго Твоего Отца, и Тебе, Христе Боже, и Пресвятаго Твоего Духа, херувимски славословити дерзаяще, глаголем:

В седмицу 5-го гласа:

Пѣнию время, и молитве час, прилѣжно возопиѣм Единому Бѣгу:

Слава: Образовати дерзѡюще умная Твоя воинства, Троице Безначальная, усты недостойными вопиѣм:

И ныне: Иже в ложесна Девическая вместивыйся и недр Отѣческих не разлучивыйся, со Ангелы и нас, Христѣ Бѣже, приими, вопиющих Ти:

В седмицу 6-го гласа:

Предстояще со страхом Херувими, ужасающесе с трѣпетом Серафими, Трисвятую песнь приносят немолчным гласом, с нимиже и мы вопиѣм, грѣшнии:

Слава: Безплотными усты, немолчными славословѣньми, Шестокрильнии вопиют Ти Трисвятую песнь, Бѣже наш; и мы, иже на земли, недостойными усты хвалу Ти возсылаѣм:

И ныне: Троичныя Единицы Божество неслиянным соединѣнием славим и Ангельскую песнь вопиѣм:

В седмицу 7-го гласа:

Вышнею силою херувимски воспеваемый и Божественною славою Ангельски покланяемый, приими и нас, сущих на земли, недостойными устнами хваление Тебѣ возсылающих:

Слава: Яко сон, лѣность отложивши, душе, исправление к хвалению покажи Судий и со страхом возопий:

И ныне: Непреступному Божеству во Единице Троице, Серафимскую Трисвятую возсылающе хвалу, со страхом возопиѣм:

В седмицу 8-го гласа:

На Небо сердца имуще, Ангельский подражим чин и со страхом Судий припадѣм, побѣдную зывающе хвалу:

Слава: Зрѣти Тебѣ не смеюще Херувими, летяще зовут со восклицанием Божественную песнь Трисвятаго гласа. С нимиже и мы вопиѣм Ти:

И ныне: Сляцаеми множеством прегрѣшений наших, и не смеюще возрѣти на высоту небесную, душу с телом приклоньше, со Ангелы песнь вопиѣм Ти:



СЕДАЛЬНЫ ОТ ОКТОИХА,

яже глаголем на утрени по 1-м стихословии

В седмицу 1-го гласа

В понедельник

Седальны умилительны, глас 1:

В беззаконіих зачат есмь аз блудный, не смею взирати на высоту небесную, но, дерзая на человеколюбие Твое, зову: Бóже, очисти мя и спаси мя.

Стих: Гóсподи, да не яростию Твоею обличиши мене, ниже гневом Твоим накажеша мене.

Аще праведник едва спасается, аз где явлюся, грешный? Тяготы и зноя дневнаго не понесох; но с наемники единагодесяте часа сопричти мя, Бóже, и спаси мя.

Стих: Дивен Бог во святых Своих, Бог Израилев.

Мученичен:¹ Страдания похвалю и вечною почестию славы страстотерпцы одеяшася Тобою, Гóсподи: терпением бо ран беззаконных победиша и силою Божественною с Небес победу прияша. Тех молитвами даруй нам, Бóже, велию Твою милость.

зри: Аще несть в Минеи кондака святому, глаголем Мученичен не с седальными вкупе, а на месте кондака, по 6-й песне канона.

Слава, и ныне, Богородичен:

Чудо чудес, Благодатная, в Тебе зрящи тварь радуется: зачала бо еси безсеменно и родила еси неизреченно, Егóже чиноначалия Ангелов видети не могут; Того, Богородице, моли о душах наших.

Во вторник

Седальны умилительны, глас 1:

Объятия Отча отверсти ми потщися, блудне мое иждих житие; на богатство неизживаемое взираяй щедрот Твоих, Спасе, ныне обнищавшее не презри сердце. Тебе бо, Гóсподи, умилением зову: согреших на Небо и пред Тобою.

¹ Мученичен помещен перед Богородичным, где его предписывают читать некоторые толкования Устава (напр. С.Булгаков, Настольная книга священнослужителя), хотя в Типиконе это указание не содержится.

Стих: Гóсподи, да не я́ростию Твоёю обличи́ши мене́, ниже́ гнёвом Твои́м нака́жеши мене́.

Суди́ще Твоё стра́шное и суд пра́веден, дела́ моя́ лю́та; но Сам, Ми́лостиве, предвари́в мя, спаси́ и му́ки свободи́, изба́ви, Влады́ко, от ко́злищ ча́сти и сподо́би мя одесну́ю Тебе́ ста́ти, Судие́ пра́веднейший.

Стих: Ди́вен Бог во святы́х Свои́х, Бог Изра́илев.

Мученичен: Я́ко до́брии во́ини, единому́дренно ве́ровавше, преще́ния мучи́телей не убо́явшеся, свя́тии, присту́пите усер́дно ко Христу́, взёмше че́стный Крест, и, сконча́вше течёние, с Небесе́ побёду при́ясте. Сла́ва Укре́плшему вас, сла́ва Венча́вшему вас, сла́ва Де́йствующему ва́ми всем исцелёния.

Слава, и ныне, Богородичен:

Заче́нши неопáльно огонь Божества́ и ро́ждши безсе́менно Исто́чник живота́, Гóспода, благодáтная Богоро́дице, спаса́й Тя велича́ющия.

В среду

Седалины крестны, глас 1:

Ору́жие крёстное во бранёх яви́ся не́когда благоче́стивому царю́ Константи́ну, непобеди́мая побёда на враги́ ве́ры ра́ди. Сего́ трепещут сопро́тивныя си́лы, сей бысть ве́рным спасёние и Па́влу похвала́.

Стих: Возно́сите Гóспода Бо́га на́шего и покланя́йтесь подно́жию но́гу Его́, я́ко свя́то есть.

Креста́ Твоего́ дре́ву покланя́емся, Человеколю́бче, я́ко на нем пригвозди́лся еси́, Животе́ всех; рай отве́рзл еси́, Спа́се, ве́рою присту́пившему к Тебе́ разбо́йнику, и сла́дости сподо́бися, испове́даяся Тебе́: помяни́ мя, Гóсподи; прими́ я́коже о́наго и нас, зову́щия: согреша́хом вси, благоутро́бием Твои́м не прёзри нас.

Стих: Ди́вен Бог во святы́х Свои́х, Бог Изра́илев.

Мученичен: Болёзньми святы́х, и́миже о Тебе́ пострада́ша, умоле́н бу́ди, Гóсподи, и вся на́ша болёзни исцели́, Человеколю́бче, мо́лимся.

Слава, и ныне, Крестобогородичен:

Агни́ца на дре́ве Агни́ца зря́щи с разбо́йникома, долготерпели́вно распи́наема Тебе́, Сло́ве, и копи́ем в ре́бра пробода́ема, восклицáше вопию́щи ма́терски: что страна́ное и ужа́сное, Сы́не Мой, та́инство? Ка́ко покрывáет гроб неопи́саннаго Бо́га? Неизрече́нно есть соверша́емое; не оста́ви Мене́, ро́ждшия Тя, Сы́не Мой сладча́йший.

В четверг

Седальны апостольстии, глас 1:

Мрѣжею словѣсною плетѣния витійская, рыбарие трѣстию Крѣстною развѣргше, просветиша языки благочѣстно, славити Тя, Бѣга истиннаго. Тѣмже Тебѣ и песнь укрѣплъшему их вопиѣм: слава Отцѹ и Сыну, слава Единосущному Дѹху, слава тѣми просветившему мир.

Стих: Во всю зѣмлю изыде вещание их, и в концѣ вселѣнныя глаголы их.

Премѹдрии вселѣнныя ловцѣи, от Бѣга приимше милостивное, молите и ныне о нас, вопиющих: Господи, спаси страну и град Твой, и от содержащих лютых свободи апостолами души наша.

Стих: Дивен Бог во святых Своих, Бог Израилев.

Мученичен: Мученики Христовы молим вси: ти бо молят за спасение наше. И вси приступим к ним с верою: сии источают исцелений благодать, сии полки отгоняют демонов, яко хранители веры.

Слава, и ныне, Богородичен:

Безматерняго на Небесѣи, паче мысли и слуха, на землѣи без отца родила еси; Того, Богородице, моли о душах наших.

В пятюк

Седальны крестны, глас 1:

Распеншуся Тебѣ, Христѣ, погибе мучительство, попра на бысть сила вражия. Ниже бо Ангел, ниже человек, но Сам, Господи, спас еси нас: слава Тебѣ.

Стих: Возносите Господа Бѣга нашего и поклоняйтесь подножию ногу Его, яко свято есть.

Оружие крестное во бранех явися некогда благочестивому царю Константину, непобедимая победа на враги веры ради. Сего трепещут сопротивныя силы; сей бысть верным спасение и Павлу похвала.

Стих: Дивен Бог во святых Своих, Бог Израилев.

Мученичен: Страдания похвалою и вечною почестию славному страстотерпцы одеяшася Тобою, Господи: терпением бо ран беззаконных победиша и силою Божественною с Небесѣи победу прияша. Тех молитвами даруй нам, Бже, велию Твою милость.

Слава, и ныне, Крестобогородичен:

Твое предстательство имуще, Пречистая, и Твоими молитвами лютых избавляеми, Крестом Сына Твоего вездѣ соблюдаеми, по долгу Тя вси благочѣстно величаем.

В седмицу 2-го гласа

В понедельник

Седальны умилительны, глас 2:

Яко вóлны морскія, востáша на мя беззакóния моя́; я́ко кораблѣц в пучи́не, аз еди́н обурева́юся от прегрешѣний мно́гих; но во благоути́шное пристáнище наста́ви мя, Го́споди, пока́йнием и спаси́ мя.

Стих: Го́споди, да не я́ростию Твое́ю обличи́ши мене́, ниже́ гнѣвом Твои́м нака́жеша мене́.

Аз есмь дре́во непло́дное, Го́споди, умилѣния плода́ не нося́ всячески; и посече́ния бою́ся, и огня́ о́наго устраша́юся негаси́мага. Темже Тя молю́, пре́жде о́ныя ну́жды обрати́ и спаси́ мя.

Стих: Ди́вен Бог во святы́х Свои́х, Бог Изра́илев.

Мученичен: Тебе́, одева́ющаго не́бо о́блаки, иму́ще святѣи одея́ние в ми́ре, му́ки беззакóнных претерпе́ша, и прѣлесть идо́льскую упраздни́ша; тех моли́твами и нас свободи́ от невидимаго врага́, Спа́се, и спаси́ нас.

Слава, и ныне, Богородичен:

Милосѣрдия сущи́ истóчник, ми́лости сподóби нас, Богороди́це Всепѣтая, при́зри на лю́ди согрешѣвшия, яви́ я́ко при́сно си́лу Твою́: на Тя бо упова́юще, ра́дуйся, вопи́ем Ти, я́коже иногда́ Гаври́ил, безплóтных Архистрати́г.

Во вторник

Седальны умилительны, глас 2:

Поми́луй мя, рече́ Дави́д. И аз Тебе́ зову́: согрешѣх, Спа́се, моя́ грехи́ пока́йнием очи́стив, поми́луй мя.

Стих: Го́споди, да не я́ростию Твое́ю обличи́ши мене́, ниже́ гнѣвом Твои́м нака́жеша мене́.

Поми́луй мя, Боже, поми́луй мя, о двою́ греху́ пла́каше Дави́д; о тьмах аз согрешѣний вопи́ю Ти. Он постѣлю́ слезáми омочевáше, аз же ни ка́пли еди́ныя има́м, отча́ялся и молю́: поми́луй мя, Бо́же, по вели́цей Твое́й ми́лости.

Стих: Ди́вен Бог во святы́х Свои́х, Бог Изра́илев.

Мученичен: Просвети́вый святы́я Твоя́ па́че зláта и прослáвивый преподóбныя Твоя́, я́ко Благ, те́ми умоля́емъ бывáя, Христѣ́ Бо́же, жизнь нашу́ умири́, я́ко Человеколю́бец, и моли́тву исправи́, я́ко кади́ло, Еди́не во святы́х почи́вай.

Слава, и ныне, Крестобогородичен:

Богороди́це, не прѣзри мене́, трѣбу́юща заступлѣния Твоего́: на Тя бо упова́ душа́ моя́, поми́луй мя.

В среду

Седальны крестны, глас 2:

Животворящий Крест Твоея благасти, егже даровал еси нам, недостойным, Господи, Тебе приносим в молитву: спаси страну и град Твой молящийся, Богородицею, Еди́не Человеколю́бче.

Стих: Возносите Господа Бога нашего и поклоняйтесь подно́жию но́гу Его́, я́ко свято есть.

Имже образом плени враг Адама древом снѣди, Господи, такоже пленил еси и Ты врага Дре́вом Крѣстным и страстию Твоею. В сие бо пришел еси вторый Адам взыскати заблуждшаго, оживотворити умерщвлѣннаго; Бо́же, слава Тебѣ.

Стих: Дивен Бог во святых Своих, Бог Израилев.

Мученичен: Стратотѣрцы Господни, блаженна земля, напившаяся кровью́ вашими, и свята селѣния, приимшая телеса́ ваша: в подви́зе бо врага́ победисте и Христа́ со дерзновѣнием проповѣдасте. Того́, я́ко блага, мо́лите спастися, мо́лимся, душамъ нашим.

Слава, и ныне, Крестобогородичен:

Дѣва и Мати Твоя́, Христѣ, на Дре́ве зрящи Тя мѣртва простѣрта, плачу́щи горько, Сы́не Мой, глаголаше: что стра́шное сие та́инство? Всем да́руй живото́ вечный, во́лею на Крестѣ́ како умира́еши смѣртию поносно́ю?

В четверток

Седальны апостольстии, глас 2:

Умудривый па́че ветий ловцы́ и пославый я́коже проповѣдники всей земли́, неизречѣнным человеколю́бием, Христѣ́ Бо́же, те́ми утверди́ Цѣрковь Твою́ и вѣрным низпосли́ благословѣние Твое́, Еди́не Ми́лостиве и Человеколю́бче.

Стих: Во всю зѣмлю изы́де вещание их, и в концы́ вселѣнныя глаго́лы их.

Уловивше языки ры́барие и научивше концы́ Тебѣ поклоня́тися, неизречѣнным Твои́м человеколю́бием, Христѣ́ Бо́же, те́ми утверди́ Цѣрковь Твою́ и вѣрным низпосли́ благословѣние Твое́, Еди́не во святыхъ почива́й.

Стих: Дивен Бог во святых Своих, Бог Израилев.

Мученичен: Апостоли, мученицы и проро́цы, святителие, преподобнии и праведнии, до́бре подви́г совершивши и вѣру соблю́дши, дерзновѣние иму́ще ко Спа́су, о нас Того́ я́ко блага мо́лите спастися, мо́лимся, душамъ нашим.

Слава, и ныне, Богородичен:

Тя велича́ем, Богородице, вопио́ще: раду́йся, незаходи́мага Свѣта о́блаче, Того́ носивши в нѣдрех, сла́вы Господа.

В пяток

Седальны крестны, глас 2:

Пречістому образу Твоему поклоняемся, Благій, просяще прощѣния прегрешѣний наших, Христѣ Бѣже; волю бо благоволил еси Плотію взыти на Крест, да избавиши, яже создал еси, от работы вражия. Тем благодарственно вопіем Ти: радости исполнил еси вся, Спасе наш, пришедый спасти мир.

Стих: Возносите Господа Бога нашего и поклоняйтесь подножию ногу Его, яко свято есть.

Спасение соделал еси посреде земли, Христѣ Бѣже, на Крестѣ пречистеи рuce Твоей простерл еси, собирая вся языки, зовущия: Господи, слава Тебѣ.

Стих: Дивен Бог во святых Своих, Бог Израилев.

Мученичен: На камени неподвижном основавшеса святіи, на мучители крепко добльствоваша и мученьми венцы получиша; теми, Бѣже, спаси нас.

Слава, и ныне, Крестобогородичен:

Препрославлена еси, Богородице Дѣво, поем Тя: Крестом бо Сына Твоего низложися ад, и смерть умертвися, умерщвлѣннии востяхом и живота сподобихомся, рай весприяхом, древнее наслаждение. Тем благодаряще славословим, яко державнаго, Христа Бѣга нашего, и Единого Многомилостиваго.

В седмицу 3-го гласа

В понедельник

Седальны умилительны, глас 3:

На страшном судищи без оглагольников обличаюся, без свидетелей осуждаюся: книги бо совѣстныя разгибаются, и дела сокровенная открываются. Прѣжде даже во оном всенародном позорищи имаши испытати мною содеянная, Бѣже, очисти мя и спаси мя .

Стих: Господи, да не яростию Твоею обличиши мене, ниже гневом Твоим накажеша мене.

Докѣле, душе моя, пребываеши в прегрешѣнних? Докѣле приѣмлеши покаяннѣя преложѣние? Приими во умѣ суд грядущий и возопий Господу: Сердцевѣдче, согрѣших, прѣжде даже не осудиши мя, помилуй мя.

Стих: Дивен Бог во святых Своих, Бог Израилев.

Мученичен: Кто не удивится святых мучеников непобедимым подвигом? Кто не ужаснется их присно исправлением? Яко огнем и биением, зверьми же и закланьи сопротивника врага победиша, царей ласканий возгнушавшеса и мучителей прещѣния оттрясше. Тем и венцы прияша от Христа Бѣга, подающаго миру велию милость.

Слава, и ныне, Богородичен:

Кийждо идеже спасаётся, тамо праведно и притекает; и кое иное таковое прибежище, яко Ты, Богородице, покрывающее души наша?

Во вторник

Седалны покаяны, глас 3:

Живущи на земли, душе моя, покайся: персть во гробе не поёт, прегрешений не избавляет. Возопий Христу Богу: Сердцеведче, согреших, прежде даже не осудиши мя, помилуй мя.

Стих: Господи, да не яростию Твоею обличиши мене, ниже гневом Твоим накажеш мене.

В час молитвы каются обещаюся, и враг прилежно согрешати влагает ми безместная; но от сего избави, Боже, и помилуй мя.

Стих: Дивен Бог во святых Своих, Бог Израилев.

Мученичен: Благодущие терпения вашего победи козни злоначальнаго врага, страстотерпцы прехвальнии; сего ради вечнаго сподобистесь блаженства. Но молитесь Господеву христоролюбивых людей спасти стадо, мученицы сущи истины.

Слава, и ныне, Богородичен:

Прибежище и сила наша, Богородице, державная помощь мира, молитвами Твоими покрый рабы Твоя от всякия нужды, Единая Благословенная.

В среду

Седалны крестны, глас 3:

Неисчетней власти Твоей и вольному распятию Ангельская воинства дивляхуся, зряще: како Невидимый плотию ураняшися, хотя избавити от исления человечество? Темже, яко Жизнодавцу, вопиём Ти: слава, Христе, Царствию Твоему.

Стих: Возносите Господа Бога нашего и поклоняйтесь подножию ногу Его, яко свято есть.

Крест водрузися на земли и коснуса небесе, не яко древу досягну высоту, но Тебе на нем исполняющему всяческая; Господи, слава Тебе.

Стих: Дивен Бог во святых Своих, Бог Израилев.

Мученичен: Страстотерпец Твоих память, Господи, преуяснил еси, яко Всесилен, яко укрепил еси их страсти Твоя подражати: победиша бо мужески велиара силу, темже и прияша исцелений дарования. Тех молитвами, Человеколюбче, мир подаждь душам нашим.

Слава, и ныне, Крестобогородичен:

Жезл сілы стяжавшии, Крест Сына Твоего, Богородице, тем низлагаем врагов шатания, любовь Ты непрестанно величающе.

В четверток**Седаљны апостольстии, глас 3:**

Божественнии проповедницы истины и учителя Църкве, показася самовидцы, апостоли: идолов бо прелесть поправше и Троицу ясно проповедася, Юже молите, блаженнии, даровати нам велию милость.

Стих: Во всю землю изыде вещание их, и в концы вселенныя глаголы их.

Приидите вси, апостолы воспойм, яко правители: идолов бо лествь отгнаша, и к свету жизни возведоша, и Троицу славити научиша. Темже вси их честную память совершающе вернии, Спаса прославим.

Стих: Дивен Бог во святых Своих, Бог Израилев.

Мученичен: Вооружившися во всеоружие Христово и облекшися во оружие веры, ополчения вражия страдальчески низложиште; усердно бо, надежду жизни, претерпесте вся мучительская древле прещения же и раны. Темже и венцы приясте, мученицы Христовы терпеливodusни.

Слава, и ныне, Богородичен:

Яко невозделанная, Дево, лоза, краснейший Грозд прозябла еси, источающий нам вино спасительное, всех веселящее. Темже яко вину Ты благих ублажающе, присно со Ангелом вопиём: радуйся, Благодатная.

В пяток**Седаљны крестны, глас 3:**

Крест и смерть пострадати изволивый, посреде твари сего водрузил еси; еда благоволил еси, Спасе, Телу Твоему пригвоздиться, тогда и солнце лучи сокры. Сия и разбойник зря, Бога Ты исповеда, вопия Тебе: помяни мя, Господи, и прият веровав рай.

Стих: Возносите Господа Бога нашего и поклоняйтесь подножию ногу Его, яко свято есть.

На кипарисе, и певке, и кедре вознеслся еси, Агнче Божий, да спасеши верою поклоняющихся вольному Твоему распятию; Христе Боже, слава Тебе.

Стих: Дивен Бог во святых Своих, Бог Израилев.

Мученичен: Сияете верою, пресветлая светила святии, благочестия врачеве, страстотерпцы прехвальнии; мучителей бо ран не убоившися, идольское злочестие низложиште, победу имуще непобедиму, Крест истинный.

Слава, и ныне, Крестобогородичен:

Понóсную, Щéдре, смерть распя́тием во́лею претерпéл еси́; егóже родив́шая Тя, Христé, зря́щи, уязвля́шеся. Ея́же мольба́ми за благоутро́бие мило́сти Твоея́, Еди́не Преблагий Чело́веколю́бче Го́споди, ущéдри и спаси́ мир, взéмляй ми́ра грех.

В седмицу 4-го гласа**В понедельник****Седалны умильтельны, глас 4:**

Смирéнную мою́ ду́шу посети́, Го́споди, во гресéх все житиé иждив́шую; имже о́бразом блудни́цу, приими́ и менé, и спаси́ мя.

Стих: Го́споди, да не я́ростию Твоею́ обличи́ши менé, ниже́ гнéвом Твои́м нака́жеши менé.

Препла́вая пучи́ну настоя́щаго жити́я, помышля́ю бéздну мно́гих мои́х зол и, не имéяй окорми́теля помышлéний, Петро́в провещава́ю Ти глас: спаси́ мя, Христé, спаси́ мя, Бо́же, я́ко Чело́веколю́бец.

Стих: Дивен Бог во святых Своих, Бог Израилев.

Мученичен: Днесь Ангельская во́инства в па́мь страсотéрпцев приидо́ша, вéрных мы́сли просвети́ти и вселéнную благодáтию уясни́ти. Те́ми, Бо́же, умоле́н быва́яй, да́руй нам вéлию мило́сть.

Слава, и ныне, Богородичен:

Воспита́вшейся во хра́ме во святáя святых, оде́янной вéрою, и премудростию, и безме́рным дéвством, Архистрати́г Гаври́л принесé с Небесé целова́ние, и е́же ра́дуйся, ра́дуйся, Благословéнная, ра́дуйся, Препросла́вленная, Госпо́дь с Тобо́ю.

Во вторник**Седалны умильтельны, глас 4:**

Скóро совни́дем в невестник Христóв, да вси услы́шим блаже́нный глас Христа́ Бо́га на́шего: прииди́те, любя́щи небéсную сла́ву, соприча́стницы бы́вше му́дрых дев, уясни́вше свещи́ на́ша вéрою.

Стих: Го́споди, да не я́ростию Твоею́ обличи́ши менé, ниже́ гнéвом Твои́м нака́жеши менé.

Помяни́, душе́, ка́ко предста́нем Судии́ в час стра́шный? Поста́вятся престо́ли стра́шнии, и коегóждо дея́ния облича́ются, тогда́ Судия́ неумоли́мь. Та́мо огонь лю́те тебе́ угото́вася, я́коже дивие мо́ре, волну́емое áки покры́ти вся́ческая. Со все́ми си́ми виждь, душе́ моя́, стени́ прэ́жде конца́.

Стих: Дивен Бог во святых Своих, Бог Израилев.

Мученичен: Иже во всем мире мученик Твоих, яко багрянницею и вѣссом, кровью Цѣрковь Твоя украсившися, теми вопиет Ти, Христѣ Божѣ: людем Твоим щедроты Твоя низпосли, мир жителству Твоему даруй и душам нашим велию милость.

Слава, и ныне, Богородичен:

Господственно и истинно, Богородице, молящися яко Мати со дерзновением Сыну Твоему и Богу нашему, сохрани град изрядно, к покрову Твоему притекающий, в Тебе державу имущий, к Тебе прибегающий, пристанищу, стени, единому предстательству рода человеческого.

В среду

Седалины крестны, глас 4:

Искупил ны еси от клятвы законныя честною Твоею Кровию, на Крестѣ пригвоздився и копием прободься, безсмертие источил еси человеком, Спасе наш, слава Тебе.

Стих: Возносите Господа Бога нашего и поклоняйтесь подножию ногу Его, яко свято есть.

Скоро предвари, прежде даже не поработимся врагом, хулящим Тя и претящим нам, Христѣ Божѣ наш. Погуби Крестом Твоим борющия нас, да уразумеют, како может православных вера, молитвами Богородицы, Единыя Человеколюбче.

Стих: Дивен Бог во святых Своих, Бог Израилев.

Мученичен: Мученицы Твои, Господи, во страданиях своих венцы прияша нетленные от Тебе, Бога нашего; имуще бо крепость Твою, мучителей низложиша, сокрушиша и демонов немощныя дерзости. Тех молитвами спаси души наша.

Слава, и ныне, Крестобогородичен:

Дѣво Пренепорочная, Мати Христа Бога, оружие пройде Твою пресвятую душу, егда распинаема видела еси волею Сына и Бога Твоего; Егоже, Благословенная, молящи не престай, прощение прегрешений нам даровати.

В четверток

Седалины апостольстии, глас 4:

Светила в концех ученики Твоя, Христѣ, явил еси, сияющая душам нашим во тьме, разум Твой, Владыко; и лествицую тех ради омрачив, ученьми благочестия просветил еси мир. Тех мольбами спаси души наша.

Стих: Во всю зѣмлю изыде вещание их, и в концы вселенныя глаголы их.

Яко Моисей Израиля от работы, морем Черным наставивый, десницею Твоею, Владыко, погрузивый фараона: тако чудесы, премудрии ученицы Твой море расторгша горькаго безбожия и люди наставиша к Тебе, Безначальне Слове и Едине Человеколюбче.

Стих: Дивен Бог во святых Своих, Бог Израилев.

Мученичен: Крестом вооружившися, страстотерпцы Твой победиша козни началозлобнаго врага, Христѣ Бже наш, возсияша, яко светила, человеки наставляюще, дают исцеления верою просящим. Тех молитвами спаси души наша.

Слава, и ныне, Богородичен:

Слово Отчее, Христа Бога нашего, от Тебе воплотившееся познахом, Богородице Дѣво, едина Чистая, едина Благословенная. Тем непрестанно Тя воспевающе величаем.

В пяток

Седальны Крестны, глас 4:

На Крестѣ Тя пригвоздиша иудѣи, Спасе, имже нас от язык призвал еси, Человеколюбче Господи, простерл еси длани на нем волею Твоею; копием же ребра Твоя пробости изволил еси. Множеству щедрот Твоих слава, Долготерпеливе.

Стих: Возносите Господа Бога нашего и поклоняйтесь подножию ногу Его, яко свято есть.

Свет душ наших ныне зряще, Христѣ, Крест Твой пречистый, и поклоняющися тому, светло вопием Ти: слава Тебе, на сем вознестися восхотевый; слава Тебе, тем всю тварь просветивый; имже Тя непрестанно песнями славим.

Стих: Дивен Бог во святых Своих, Бог Израилев.

Мученичен: Честное страстотерпцев торжество, небо Церковь показá, и с человеки ликуют Ангели; тех молитвами, Христѣ Бже, спаси души наша.

Слава, и ныне, Крестобогородичен:

На Крестѣ Тя вознесена яко виде, Пречистая Мати Твоя, Слове Божий, матерски рыдаючи вещаше: что новое и странное сие, Сыне Мой, чудо? Како, Жизнь всех, вкушаеши смерти, оживити умершия хотя, яко Благоутробен?

В седмицу 5-го гласа

В понедельник

Седальны умилительны, глас 5:

Судий седящу, и Ангелом стоящим, трубé гласящей, и пламени горящу, что сотвориши, душе моя, ведома на суд? Тогда бо лю́тая тво́я предстанут, и та́йная облича́тся согрешéния. Тёмже прёжде конца возопий Христу́ Бо́гу: Сердцевéдче, согреших, помилуй мя.

Стих: Гóсподи, да не я́ростию Твоею обличи́ши мене́, ниже́ гнёвом Твои́м нака́жеш мене́.

Душе́, я́же zde привре́менна, та́мо же вéчна. Зрю суди́лище и на престо́ле Судию́ и трепéщу изрече́ния. Прóчее, душе́, обрати́ся, суд непроща́емь.

Стих: Дивен Бог во святы́х Свои́х, Бог Изра́илев.

Мученичен: Гóсподи, ча́ши стра́сти Твоея́ страсотёрпцы Твои́ поревновáвше, оста́виша житейску́ю красоту́ и бы́ша Ангелом соприча́стницы. Тех мольба́ми пода́ждь душáм нашим очищéние и вéлию мило́сть.

Слава, и ныне, Богородичен:

Со Ангелы небéсная, с челове́ки земна́я, гла́сом ра́дования, Богороди́це, вопиём Ти: ра́дуйся, врата́ небéс ширшая. Ра́дуйся, Еди́на земнорóдных спасéние. Ра́дуйся, Чи́стая. Ра́дуйся, Благода́тная, рóждшая Бо́га воплощённа.

Во вторник

Седальны умилительны, глас 5:

На ло́жи лежа́ грехóв мно́гих, окрада́юся наде́ждею спасéния моего́: сон бо лёности моёя ходата́йствует души́ моёй мучéние. Тёмже пощади́ мя, Христé Бо́же, я́ко Еди́н Человеколю́бец.

Стих: Гóсподи, да не я́ростию Твоею обличи́ши мене́, ниже́ гнёвом Твои́м нака́жеш мене́.

Вси побди́м и Христа́ усря́щим со мно́жеством елéя и свещáми свётлыми, я́ко да черто́га внутрь сподóбимся; и́же бо вне дверей пости́гнувый бездéльне Бо́гови воззовет: помилуй мя.

Стих: Дивен Бог во святы́х Свои́х, Бог Изра́илев.

Мученичен: Чудеса́ святы́х Твои́х мученик, стéну необори́му нам дарова́вый, Христé Бо́же; тех моли́твами советы́ языков разори́, вёрныя лю́ди укрепí, я́ко Еди́н благ и Человеколю́бец.

Слава, и ныне, Богородичен:

Стрáнное Дёвы та́инство ми́ру показáся спаси́тельное: от Нея́ бо роди́лся еси́ без се́мене и плóтию показáлся еси́ без ислéния, всех Рáдосте, Гóсподи, сла́ва Тебе́.

В среду**Седа́льны крестны, глас 5:**

Распéншагося Спа́са и Изба́вителя на́шего во́лею, я́ко весть и я́коже благоизво́ли, воспо́йм, ве́рнии, и просла́вим: я́ко пригвозди́ на Кресте́ грехи́ челове́ков, избавля́я от ле́сти род челове́ческий, и Ца́рствия сподо́бил есть.

Стих: Возно́сите Гóспода Бо́га на́шего и покланя́йтесь подно́жию но́гу Его́, я́ко свя́то есть.

Крест претерпе́в Твоёю во́лею, и от тли челове́ки свободи́л еси́, Спа́се; воспева́ем, ве́рнии, и покланя́емся Ти, я́ко просвети́л еси́ нас си́лою Крестно́ю, и вси прославля́ем Тя, Человеколю́бче ще́дрый, я́ко Жизнода́вда и Гóспода.

Стих: Ди́вен Бог во святы́х Свои́х, Бог Израи́лев.

Мученичен: Стратотерпцы Твои́, Гóсподи, вели́кия заступники показáл еси́, Спа́се, вселённей, и́миже стра́сти отбега́ют; тех моли́твами спаси́ ду́ши на́ша.

Слава, и ныне, Крестобогородичен:

Кресту́ Господню́ предстоя́щи, рыда́ющи вопия́ше Богороди́ца: увы́ Мне, о Ча́до Моё! Увы́ Мне, Све́те о́чию Моёю! Ка́ко простёрлся еси́ на Кресте́, простры́й божественне не́бо, я́ко ко́жу, и от мо́ря возведы́й исто́чники вод Твои́м повелéнием?

В четверток**Седа́льны апостольстии, глас 5:**

Яко самови́дцы Сло́ва и слуги́ Христо́вы, премудры́я апо́столы похва́лим в пёснях духо́вных и пёниих, вси земнии: Христа́ бо приле́жно мо́лят тии́ о нас, пою́щих священную́ их па́мять и покланя́ющихся мощём.

Стих: Во всю зéмлю изы́де вещáние их, и в концы́ вселённыя глаго́лы их.

Апо́столы Господни́ соглáсно восхва́лим, я́ко свети́ла, я́вльшиися вселённей: язы́ки бо благоче́стно улови́ша и, просвети́вше нас, возпроповéдают я́сно Трои́цу че́сти Святу́ю, соединённую́ у́бо Суще́ством, разделённую́ же Ипостáсьми.

Стих: Дивен Бог во святых Своих, Бог Израилев.

Мученичен: Святых мученик исправлением, Небесныя Силы предивившася, яко в теле смертном, безтелеснаго врага, силою Креста подвижавшеся добре, победиша невидимо; и молятся Господеви, помилватися душам нашим.

Слава, и ныне, Богородичен:

Неискусобрачная Невесто и Приснодево, со Ангелы непрестанно восхваляем Тя, яко сотвори нам величия Тобою Сын Твой и Бог, Иже прежде век от Отца, во утробе Твоей вместитися благоволи, свободити от прелести род наш.

В пяток

Седалны крестны, глас 5:

Место лобное рай бысть: точно бо водрузися Древо Крестное, абие израсти грозд животный, Тебе, Спасе, в наше веселие, слава Тебе.

Стих: Возносите Господа Бога нашего и поклоняйтесь подножию ногу Его, яко свято есть.

Древо Креста Твоего, Спасе наш, миру показася спасительно: на нем бо волею пригвоздивыйся, от клятвы избавил еси земнородныя, всех Радосте, Господи, слава Тебе.

Стих: Дивен Бог во святых Своих, Бог Израилев.

Мученичен: Сияет днесь память страстотерпец, имать бо и от небес зарю; лик Ангельский торжествует, и человеческий род спразднует. Темже молятся Господеви, помилватися душам нашим.

Слава, и ныне, Крестобогородичен:

На Кресте Тя, Христэ, зрящи Мати Твоя, волею посреде разбойнику висяща, растерзающися матерски утробою, глаголаше: безгрешный Сыне, како без правды на Кресте, яко злодей, пригвоздился еси, род человеческий оживити хотя, яко Преблагий?

В седмицу 6-го гласа

В понедельник

Седалны умилительны, глас 6:

Помышляю день страшный и плачуся деяний моих лукавых: како отвечаю Безсмертному Царю? Или коим дерзновением воззрю на Судию, блудный аз? Благоутробный Отче, Сыне Единородный, Душе Святый, помилуй мя.

Стих: Гóсподи, да не я́ростию Твоею обличи́ши мене́, ниже́ гнѣвом Твои́м нака́жеша мене́.

Во удо́ле плачевне, на мѣсте, е́же завецáл еси́, егда́ сядеши, Милос- тиве, сотвори́ти пра́ведный суд, не обличи́ моя́ сокровѣнная, ниже́ посрами́ мене́ пред Ангелы, но пощади́ мя, Бóже, и поми́луй мя.

Стих: Дѣивен Бог во святы́х Свои́х, Бог Изра́илев.

Мученичен: Свет пра́ведным вы́ну: святѣи бо, Тобо́ю просветѣвшесе́, сия́ют при́сно, я́ко свети́ла, свѣщник нечестѣвых угасѣвше; ихже моли́т- вами, Спа́се наш, Ты просвещáеши свети́льник мой, Гóсподи, и спаси́ мя.

Слава, и ныне, Богородичен:

Пресла́вную Бóжью Ма́терь, и святы́х Ангел святѣйшую, немóлчно воспо́ем се́рдцем и усты́, Богоро́дицу Сию́ испове́дающе, я́ко вои́стинну Ро́ждшую Бóга вопло́щенна, и моля́щуюся непреста́нно о душа́х на́ших.

Во вторник

Седа́льны уми́лительны, глас 6:

Му́дрых дев бо́дрственное да́руй ми, Гóсподи, и души́ мое́й свещу́ просвети́ е́леем щедро́т Твои́х, да а́нгельскую песнь вопи́ю ти: аллилу́ия.

Стих: Гóсподи, да не я́ростию Твоею обличи́ши мене́, ниже́ гнѣвом Твои́м нака́жеша мене́.

Поми́луй нас, Гóсподи, поми́луй нас; вся́каго бо отве́та недоуме́юще, сию́ ти моли́тву я́ко Влады́це грѣшнии прино́сим: поми́луй нас.

Стих: Дѣивен Бог во святы́х Свои́х, Бог Изра́илев.

Мученичен: Страда́льческий по́двиг претерпе́вше святѣи и по́чести победы́ от Тебе́ прии́мше, упраздни́ша кова́рства беззакóнных, прия́ша венцы́ нетле́ния. Те́ми, Бóже, да́руй нам ве́лию ми́лость.

Слава, и ныне, Богородичен:

Милосе́рдия двѣри отве́рзи нам, благослове́нная Богоро́дице, наде́ющися на Тя да не поги́бнем, но да изба́вимся Тобо́ю от бед: Ты бо еси́ спасе́ние ро́да христиа́нскаго.

В среду

Седа́льны крестны, глас 6:

Дне́сь проро́ческое испо́лнися сло́во, се бо покланя́емся на мѣсто, иде́же стоя́сте но́зе Твои́, Гóсподи; и, дре́во спасе́ния вкуси́вше, грехо́вных страсте́й свобóду улучи́хом, моли́твами Богоро́дицы, Еди́не Человеколю́бче.

Стих: Возносите Гóспода Бóга нáшего и поклоняйтесь подно́жию но́гу Его́, я́ко свято есть.

Крест Твой, Гóсподи, освятíся, в нем бо быва́ют исцелéния боля́щим во гресéх; íмже Тебé припадаем, помíлуй нас.

Стих: Дíвен Бог во святы́х Свои́х, Бог Изра́илев.

Мученичен: Страда́льческая сопротивлéния в подвизе, мучи́тельския раны на мучени́цах, и стоя́ху ли́цы безплóтных, пóчести держа́ще побéды; удивíша мучи́тели и царí, премудри́и; низложи́ша велиа́ра исповéданием Христóвым. Укрепíвший их, Гóсподи, сла́ва Тебé.

Слава, и ныне, Крестобогородичен:

Тя рóждшая, Христé, Приснодéва Отрокови́ца, на Крестé Тя нас ра́ди вознесéна зря́щи, уязвля́ше печáли ору́жием дúшу и пла́кашеся рыда́ющи ма́терски. То́я моли́твами помíлуй нас, Гóсподи ми́лости.

В четверг

Седалины апостольстии, глас 6:

Яко посреде́ учени́к Твои́х пришéл еси́, Спа́се, мир да́й им, прииди́ и к нам, и спаси́ нас.

Стих: Во всю зéмлю изы́де вещáние их, и в концы́ вселéнныя глаго́лы их.

Ученицы́ Твои́, Иисúсе, в концы́ земли́ посыла́еми, язы́ки благочéстно, я́ко ры́бы, уловíвше, приведóша к Твоéй блага́сти, Гóсподи. И те́ми вопиéм Ти, Человеколю́бче: лю́дем Твои́м пода́ждь вéлию ми́лость.

Стих: Дíвен Бог во святы́х Свои́х, Бог Изра́илев.

Мученичен: Стратотéрпец Твои́х па́мь, Гóсподи, показáся я́ко рай, íже во Еде́ме: о ней бо ра́дуется вся́ка тварь; и пода́ждь нам, Христé, моли́твами их мир и вéлию ми́лость.

Слава, и ныне, Богородичен:

Свята́я Влады́чице, чíстая Бóга нáшего Ма́ти, всех Творца́ неизре́ченно рóждшая, моли́ со апо́столы священными́ всегда́ блага́сть Его́ страстéй нас избáвити и оставлéние нам да́ти грехóв.

В пятюк

Седалины крестны, глас 6:

Тóкмо водрузи́ся Дре́во, Христé, Креста́ Твоего́, основáния поколебáшася смéрти, Гóсподи; Его́же бо поглоти́ желáнием ад, отпусти́ трéпетом. Яви́л еси́ нам спасéние Твоé, Святы́й, и славослóвим Тя, Сы́не Бóжий, помíлуй нас.

Стих: Возносите Господа Бога нашего и поклоняйтесь подножию ногу Его, яко свято есть.

Господи, осудиша Тя иудее на смерть, Жизнь всех; иже Чермное море жезлом прошедши, на Кресте Тя пригвоздиша, и иже от камене мед ссавши, желчь Тебе принесоша. Но волею претерпел еси, да нас свободиши от работы вражия; Христе Боже, слава Тебе.

Стих: Дивен Бог во святых Своих, Бог Израилев.

Мученичен: Иже на судищи Христа проповедавшия и беззаконных прещений не боявшияся, удивил Господь: низложил бо страдальческим терпением дерзости беззаконных, прияша от Христа достойно благодать исцелений, непрестанно моляще спастися душам нашим.

Слава, и ныне, Крестобогородичен:

Богородице Дево, моли Сына Твоего, волею пригвоздившагося на Кресте и мир от прелести свободившаго, Христа Бога нашего, помилovati души наша.

В седмицу 7-го гласа

В понедельник

Седалны умильтельны, глас 7:

Имуще, душе моя, врачество покаяния, приступи слезящи, вздыханием вопиющи: Врачу душ и телес, свободи мя, Человеколюбче, от моих согрешений, сопричти мя блуднице, и разбойнику, и мытарю; и даруй ми, Боже, беззаконий моих прощение и спаси мя.

Стих: Господи, да не яростию Твоею обличиши мене, ниже гневом Твоим накажешо мене.

Мытареву покаянию не поревновах и блудницы слез не стяжах: недоумеюся бо от ослепления о таком исправлении; но Твоим благоутробием спаси мя, Христе Боже, яко Человеколюбец.

Стих: Дивен Бог во святых Своих, Бог Израилев.

Мученичен: Святии Твои, Господи, на земли подвигшися, врага попраша и идольскую лесьть упраздниша; темже и венцы от Тебе прияша, Человеколюбца Владыки и милостиваго Бога, подающаго нам велию милость.

Слава, и ныне, Богородичен:

Честнейшая славных Херувимов еси, Пречистая Дево: они бо Божественнаго не терпяще сияния, крилами покрытым лицом службу совершают; Ты же воплощенна Слова самовидно зрящи носиши, Егоже непрестанно моли о душах наших.

Во вторник

Седальны умилительны, глас 7:

Блудницы слезы и Петровы приемый, Господи, и мытаря оправдавый, из глубины воздохнувши, и мене во умилении припадающа, ущедри, Спасе, и помилуй мя.

Стих: Господи, да не яростию Твоею обличиши мене, ниже гневом Твоим накажешо мене.

Петрово отвержение слезами очисти и мытаря прегрешения воздыханием прости, Человеколюбче, слава Тебе.

Стих: Дивен Бог во святых Своих, Бог Израилев.

Мученичен: Радуйтесь, праведнии, да возвеселятся небесная, на земли бо мученицы подвижшися, прелесть упраздниша. Да играет Церковь победительная, празднуящи Страстоположнику и Единому Победотворцу Христу Богу, подающему миру велию милость.

Слава, и ныне, Богородичен:

Превозшла еси Силы Небесных, зане храм показала еси Божественный, благословенная Богородице, яко рождающая Христа, Спаса душ наших.

В среду

Седальны крестны, глас 7:

Церковь вопиет Ти, Христе Боже, в кедре, и певке, и кипарисе, поклоняющихся Тебе; победы православным людем Богородицею даруй, помилуй нас.

Стих: Возносите Господа Бога нашего и поклоняйтесь подножию ногу Его, яко свято есть.

Мене ради претерпевый еже на Кресте пригвождение, прими мое бодрое хваление, Христе Боже, яко Человеколюбец.

Стих: Дивен Бог во святых Своих, Бог Израилев.

Мученичен: Безбожия мучителей презревше и мучений болезни преобидевше, святии, веры во Христа не отвергостесь; тем молите Человеколюбца Бога, спастиися душам нашим.

Слава, и ныне, Крестобогородичен:

Распешагося за ны Христа Бога и разрушившаго смерти державу, непрестанно моли, Богородице Дево, да спасет души наша.

В четверг

Седалны апостольсти, глас 7:

Делатели селá Твоего показáл еси апóстолы Твоя, Сло́ве, посека́ющия идо́лы; тем Тя Влады́ку во язы́цех пропове́давшие, благоче́стно велича́ша.

Стих: Во всю зéмлю изы́де вещáние их, и в концы́ вселéнныя глаго́лы их.

Прехва́льных апóстолов па́мять, Це́ркве пита́телие творя́ще, пéснями пéсней воспо́йм Христа́; ти́и бо повинны́я греху́ спасо́ша, пропове́данием пока́яния, прéлести гонíteлие, и ми́ра се́ятелie, и моли́твенницы все-ле́нныя.

Стих: Дивен Бог во святы́х Свои́х, Бог Изра́илев.

Мученичен: Святи́и, моли́те оставле́ние дарова́ти нам согреше́ний на́ших и ча́емых лю́тых изба́вити нас и го́рькия сме́рти, мо́лимся.

Слава, и ныне, Богородичен:

Ра́дуйся, из Нея́же непрело́жно Сло́во плоть бысть и всели́ся в нас. Ра́дуйся, Чи́стая, апóстолов и му́чеников ра́дование и ве́рных спасе́ние. Ра́дуйся, Ма́ти Христа́ Бо́га.

В пятюк

Седалны крестны, глас 7:

Огня́ светле́йшее, пла́мене де́йственнейшее Дре́во показáл еси́ Креста́ Твоего́, попада́ющее грехи́ недугующих и просвеща́ющее сердца́ поющих во́льное Твое́ распя́тие, Христé Бо́же, сла́ва Тебе́.

Стих: Возносите́ Го́спода Бо́га на́шего и покланя́йтесь подно́жию но́гу Его́, я́ко свято́ есть.

Влады́чествуяй безплóтными Си́лами и ве́дый души́ моея́ ле́ностное, Крестóм Твои́м спаси́ мя, Христé Бо́же, я́ко Человеколю́бец.

Стих: Дивен Бог во святы́х Свои́х, Бог Изра́илев.

Мученичен: Му́ченицы Твои́, Го́споди, врага́ победи́ша и прéлесть идо́льскую посрами́ша, воору́жившеся Крестною́ си́лою. Те́мже и со Ангелы́ воспева́юще зову́т побéдную песнь, славосло́вяще Тя, Христé; те́ми Тя мо́лим, спаси́ нас.

Слава, и ныне, Крестобогородичен:

Распéншагося за ны Христа́ Бо́га и разруши́вшего сме́рти держа́ву, непреста́нно моли́, Богоро́дице Де́во, да спасе́т ду́ши на́ша

В седмицу 8-го гласа

В понедельник

Седальны умилительны, глас 8:

Оком благоутрѣбным, Гѳсподи, виждь мое смиреніе, яко помале жизнь моя иждивается, и от дел несть мне спасения. Сего ради молюся: **оком** благоутрѣбным, Гѳсподи, виждь мое смиреніе и спаси мя.

Стих: Гѳсподи, да не яростию Твоею обличиши мене, ниже гневом Твоим накажеші мене.

Яко Судий предстоящу, попецися, душе, и страшнаго дне час помышляй: суд бо немилостив есть не сотворшим милости. Возопий убо Христу Богу: Сердцевѣдче, согреших, прежде даже не осудиши, помилуй мя.

Стих: Дивен Бог во святых Своих, Бог Израилев.

Мученичен: Светила умная явитесь святии мученицы, мглу бо прелести упразднисте верою, и душевныя свещи ваша просветисте, и с Женихом со славою внидоште в Небесный чертог; и ныне молим вы, молитесь спастися душам нашим.

Слава, и ныне, Богородичен:

Мысленная врата жизни, Пречистая Богородице, притекающая Тебе верно избави от бед, да славим пресвятѳе Рождество Твое, во спасение душ наших.

Во вторник

Седальны умилительны, глас 8:

Яко блудница припадаю Ти, да приму оставление, и вместо мира слезы от сердца приношаю Ти, Христе Бже; да яко оную ущедриши мя, Спасе, и подаси очищение грехов. Яко оная бо зову Ти: избави мя от тмения дел моих.

Стих: Гѳсподи, да не яростию Твоею обличиши мене, ниже гневом Твоим накажеші мене.

День он страшный помышляючи, душе моя, побди, вжигаючи свещу твою, елеем просвещаючи: не веси бо, когда придет к тебе глас глаголющий: се Жених! Блуди убо, душе моя, да не воздремлеші, и пребудеші вне толкущи, яко пять дев; но бодренно пожди, да усрящеші Христа елеем маститым, и даст ти чертог Божественный славы Своея.

Стих: Дивен Бог во святых Своих, Бог Израилев.

Мученичен: Светом небесным сияет днесь сия скіния: в сей бо воинства Ангельская радуются, с нимиже мученичестии лица веселятся о памяти страстотерпец. Тех молитвами низпосли миру Твоему мир, Христе, и велию милость.

Слава, и ныне, Богородичен:

Недвѣжимое утверждѣние вѣры и честный дар душ наших, Богородицу пѣсньми величаем, вѣрнии: радуйся, Камень жизни во чреве Твоем вмѣстившая. Радуйся, концев надеждо, скорбящих заступлѣние. Радуйся, Невѣсто Невѣстная.

В среду**Седалны крестны, глас 8:**

Видя разбойник Начальника жизни на Кресте висѣща, глаголаше: аще не бы Бог был воплощся, Иже с нами распныйся, не бы солнце лучи [своя] потайло, ниже бы земля трепещущи тряслася; но вся терпѣй, помяни мя, Господи, во Царствии Твоем.

Стих: Возносите Господа Бога нашего и поклоняйтесь подножию ногу Его, яко свято есть.

Посредѣ двою разбойнику мѣрило праведное обретѣся Крест Твой: овому убо низводиму во ад тяготю хуленія, другому же легчашуся от прегрешений к познанию богословія: Христѣ Божѣ, слава Тебѣ.

Стих: Дивен Бог во святых Своих, Бог Израилев.

Мученичен: Тѣснаго и скорбнаго пути неуклонни путешественницы бысте, святѣи мученицы: искушений бо волнение претерпѣсте и безплотных слуг житѣльство воспріясте, камень терпѣния и основанія благочестія показастеся, молитѣ Христа Бога о душах наших.

Слава, и ныне, Крестобогородичен:

Агнца и Пастыря и Спаса мира на Крестѣ зрящи, Родшая [Тя] глаголаше слезящи: мир убо радуется, прѣмля избавлѣние, утроба же Моя горит, зрящи Твое распятіе, еже о всех терпиши, Сыне и Божѣ Мой.

В четверток**Седалны апостольстии, глас 8:**

Благословен еси, Христѣ Божѣ наш, Иже премудры ловцы явлѣй, низпослав им Духа Святаго и теми уловлѣй вселенную; Человеколюбче, слава Тебѣ.

Стих: Во всю зѣмлю изыде вещание их, и в концы вселенныя глаголы их.

Светила мира и наставники, нашего спасенія начаток, божественныя воспойм ученики Бога нашего, яко свет сущим во тьме нам возсияша и Солнце славы всем сказаша; темже и прѣлесть идольскую низложѣша, Троицу проповѣдавшѣ во Едином Божествѣ. Сего ради молимся, апостоли Христа Бога, прегрешений оставленію дароватися празднующим любовію святыю память вашу.

Стих: Дивен Бог во святых Своих, Бог Израилев.

Мученичен: Доблественне течение совершивше, мучителем сопротивившестя мученицы; телеса бо умертвивше на земли, восприясте небесную жизнь святии.

Слава, и ныне, Богородичен:

Радуйся, Ангелом Радость мира приемшая, радуйся, рождающая Творца Твоего и Господа, радуйся, сподобляющаяся быти Мати Божия.

В пЯТОК

Седальны крестны, глас 8:

Посредѣ Едема древо процветѣ смерть, посредѣ же всея земли Древо прозябѣ жизнь: вкусивше бо перваго, нетленни суще, тленни быхом, получивше же втораго, нетления насладихомся; Крестом бо спасаеши, яко Бог, род человеческий.

Стих: Возносите Господа Бога нашего и поклоняйтесь подножию ногу Его, яко свято есть.

В рай убо прежде древом обнажи, о вкушении враг нанося умерщвление; Креста же Древо живота одеяние человеком нося наведе на земли, и мир весь исполнися всякия радости. Егоже видяще возвышаема, Богу в вере, людие, согласно воззовем: исполнь храм славы Его.

Стих: Дивен Бог во святых Своих, Бог Израилев.

Мученичен: Воздержанием страстей огнепальныя умертвивше зраки и движения, Христовы мученицы прияша благодать недуги отгоняти немощных, и живше, и по кончине чудодѣйствовать. Воистинну чудо преславно, яко кости наги источают исцеления; слава Единому и Создателю Богу.

Слава, и ныне, Крестобогородичен:

Иже от кровей Твоих чистых воплощенна и паче мысли от Тебѣ, Чистая, рожденна, на Древе висима посредѣ злодею зрящи, утробою болѣла еси и матерски рыдающе вопияла еси: увы мне, Чадо Моѣ, кое Божественное и неизреченное смотрѣние Твоѣ, имже оживил еси создание Твоѣ? Воспеваю Твоѣ благоутробие.

